

مجموعه سنون

از

جمعیت علمیه عثمانیه

اوچنجی سنده

نومرو ۲۶

صفر

سبع الاخر

استانبول

جمعیت علمیه عثمانیه مطبعه سنده طبع اولنشد

۱۲۸۱

(امید برونیدن مورد بر قطعه مکتوبك خلاصه مآلیدر)

تحقیقات عاجزانه مه کوره افریقا قطعه سنك همان باشند باشد
سواحل شرقیه سیله ارجوار لده واقع جزائرده بعضاً ملل سائر
ایله مختلط و بعضاً غیر مختلط اوله رق پك چوق اهل اسلام اولوب
مقدم دخی بازلدیغی وجهله بونلر بزم طرفلرله مناسبت و اختلاط
حاصل ایتمکسزین مذاهب اربعه نك وجودندن دخی بی خبر اوله رق
کندولرینه مخصوص اعتقادات دینه لری اولدیغی مثلاً مؤخرأ
حج شریفه کیدوب گلش اولتلردن بعضیلری دخی الیوم مکئ مکرمده
مجاور جاوی الاصل محمد صالح بن علی بناوی نام کمسندن بعض
اعتقادات فاسده استماع و تلقی ایدرك و جاوه لسانی اوزره اولبایده
بعض رساله لر دخی کتوره رك نشر و ترویجته سعی ایتمش و بونلر ایسه
حجاج سائر نك تحقیق کرده لری اولان عقائد صحیحئ اسلامیه مغایر
بولمش اولدیغندن بو دخی بین الاسلام فساد و اختلافك برقا تدها
ترایدی بی داعی اولمسدر. مرقوم محمد صالح دن نقل نشر اولسان
اعتقاداته کوره کویا عایه الصلاة والسلام افندمز الیه معراجده
مقام انبیاء علیهم السلامده امام شافعی یه ملاقات ایله سلام و یروب
یا شافعی امتی سکا اصهارلدم تعلیم و ارشاد لرینه دقت و اهتمام
ایله دیویورمش اولملر یله مذاهب سائر یه حاشا باطل عد ایدرلر
و صفات اللمدن یا لکز درینی تصدیق ایدوب سائرینی انکار ایدرلر
و کویا یوم جزاده کنه کار لك عفو و تعذیبی محله اماملرینه محول
اوله جغندن دنیاده مالا و بدنا هر درلو فداکارلق اختیار یله بونلرك
حسن رضالرینی تحصیل ایتمش اولنلر عقوبات اخرویه دن مصون

اولوب بالعکس صنف مذکوری اغضاب ایدنلرک طاعات و حسناتلری درگاه الهیده مقبول اولمیهرق بو مقولهلر مجازات ابدیهیه دوجار اولور. مذهب مذکور اربابی دهبا بو قییلدن بر طاقم اباطیلله اینا نورلر. اشبو مذهب باطل ایسه بو طرف اهل اسلامک اعتقادات قدیمهلی قدر مضر برشی اولوب بونک ساده دلان اهالی یئنده انتشارندن خوف اولندیغندن الدن کلدیکی مرتبه منع وقوعی ضمیمه تدایر مناسبه اتخاذ ایلدم.

بو طرف اهل اسلامک اکثر افعاللری موافق شریعت اولمیدیغی مثلاً و خوش و طیوردن حلال و حرام اولنلری تمیز ایتمیه رک جله سنی و حتی حشرانک دخی اکثر یسنی اکل ایدرلر و رضاعاً قز قزداشلری و سائر اقربا رضاعیهیی تزوج ایدوب جمع اختبندده دخی باس کورمزلر و برادرمک متوفی برادری متروکه سنی تزوج ایلمسی جائز اولمز ظن ایدرلر و بلا واسطه وفات ایدنلرک متروکاتنی متوفانک باباسی طرفندن ارلان اقرباسته و اخیانا والدهسی طرفندن اولنلره و بعض کره دخی احد الزوجینک اقرباسته ویرلر.

بو حوالیده قران عظیم الشان و مطلق اوقویوب یازمق تعلیمیه مخصوص هیچ مکتب اولیوب یالکز مرکز مثابه سنده اولان امید برونی شهرنده الی صبیان مکتبی وارد بونلرده دخی یالکزعم جزئی ویس شریف و تبارک سوره لری تعلیم اولنور فقط بو طرف اهالیسی حروف هجایی بزده متعارف اولان صورتله تلفظ ایتمیوب اکثر یسی کندولرینه مخصوص بر صورتله تلفظ ایدرلر بو دخی بر وجه اتی کوسریلور.

ا	ب	ت	ث	ج	ح	خ	د	ذ	ر	ز
		سا	ژیم	خا			زل	غا		
س	ش	ص	ض	ط	ظ	ع	غ	ف	ق	ك
شین	شوم	ست	لت	ژا	زا	این	تا	تف	تان	
ل	م	ن	و	ه	لا	ی				
			قاو	جا	اینا					

اشته قرآن و خطبه و تسبیح و سائره بی مخارج مذکوره اوزره قرانت

ایدوب مثلاً فاتحه شریفه بی بروجہ اتی قرانت ایدرلر

الحمد للہ اعز الالین اغنمان اعیم مالق ایقیم الدین ایاقی نابدوایاق

نشتاین اجدنا ایشعار المشتقیم شعار الزین انامت الیجم غیغ المغلوب

الیجم قلا لین

کلمه شهادتی دخی ذیرده محرر و جمہله تلفظ ایدرلر

اشد ان لا الاج الا للہ و اشد ان محمدان غشول للہ

(ابوبکر)

(اناطولیده سمدان نزول ایدن بغدادی)

کچن فصل خریفده خرپوت و ملاطبه طرفلرنده سمدان نزول

ایدن بر نوع حبوبک صورت نزولیه منشأ و ماهینسه دائر دسترس

اوله بیلدیکن بعض تحقیقات رسمیه نک تحریر و بیاننه ابتدار قلنور

کچن فصل خریفده خرپوت طرفلرنده شدت اوزره فقط و غلا

اولدیغی حالده سمدان بر نوع بغدادی نزول ایدوب هرکس بونکله